



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imagines Sanctorvm Ord. S. Benedicti

Stengel, Carl

[Ort nicht ermittelt], M.DC.XXV

XXIII. Aprilis. S. Adalbertvs.

urn:nbn:de:hbz:466:1-38356

S ADALBERTVS ex Monacho Pragensis Episcopus secundus, fame, siti, frigore, vigiliis, & veste cilicinâ corpus maceravit: neminē sibi inimicum, nisi inimicum diabolū voluit. Natione verò Bohemus cū esset; in hoc vnum semper incubuit, vt patriæ suę, quæ veri Dei esset adhuc ignorans, lumē fidei à S. Methodio aliquā ex parte accensum, inferret, quod vt fideliter, & audacter incepit, ita & strenuē executus est. Longius deinde progressus S. Stephanum primum Hungarorum in Pannonia Regem, cum omni ferē populo suo sacro baptisate abluit, & Euangelii messem illis in prouincijs primus intulit. Episcopatu expulsus, monasticam complexus disciplinā, ad viliora munia obeunda, tanquam ad epulas promptissimus erat. Ad Episcopatum reuersus, denuo- que à suis eiectus, à Mecislao Poloniae Duce euocatus, eundem cum omni populo suo ab Idolorum culturā auertit, & Gentilitatis errore fugato, sacræ fidei cultum in Polonia plantauit. Vbi etiā aliquandiu Gnesnensem Archiepiscopatum administrauit, & in suum locum Gaudentium suffecit, ipse in Prussiam profectus, à nefario homine, cū in caelestium rerum meditatione versaretur, conto prosternitur; humi stratus, terræ figens oscula; Benedictus, ait Deus, benedicta misericordia Dei; si plus non accipiam, pro crucifixo meo, vnum pretiosum ictum habeo. Septem denique lanceis à barbaris confossus, manibus in modum crucis extensis, felix est factus Christi victima, sacro Parasceues die, quo mundi Saluator cruci est affixus. XXIII. Aprilis

A. C. CMXCVII. *Ex Surio.*





S ADALBERTVS EPISC. PRAG ARCHIEP.
 GNE SN. M. ORD. S. BENED
Præsul ADALBERTVS docuit p̄ sacra BOHEMOS.
 SARMATIÆ & populos deniq; MARTYR obiit.

Handwritten notes in red ink on the right edge of the page, including the name 'Bened' and other illegible characters.

MA 2

H 2

I. MAL